

ԱՐՁԱՆԱԳՐՈՒԹՅՈՒՆ

«Արարատ ճանշին» ՍՊԸ-ի կողմից Արարատի մարզի Վանաշենի ավազակոպճային խառնուրդի հանքավայրի 1-ին տեղամասի արդյունահանման աշխատանքների՝ շրջակա միջավայրի վրա ազդեցության գնահատման հաշվետվության և փաթեթի վերաբերյալ 2-րդ հանրային քննարկման

17.02.2026թ.

Վանաշեն և Գոռավան բնակավայրեր

Համաձայն «Շրջակա միջավայրի վրա ազդեցության գնահատման և փորձաքննության մասին» օրենքի (ՀՕ-150-Ն), Կառավարության 2023 թվականի դեկտեմբերի 28-ի N 2343-Ն որոշման հավելվածի իրականացված ծանուցման համաձայն՝ 2026 թվականի փետրվարի 17-ին՝ ժամը 11:00-ին Վանաշեն բնակավայրի վարչական ղեկավարի նստավայրում, այնուհետև՝ ժամը 15:00-ին, Գոռավան բնակավայրի վարչական ղեկավարի նստավայրում իրականացվեցին Արարատի մարզի Վանաշենի ավազակոպճային խառնուրդի հանքավայրի 1-ին տեղամասի արդյունահանման աշխատանքների՝ շրջակա միջավայրի վրա ազդեցության գնահատման հաշվետվության և գործունեության փորձաքննական գործընթացի վերաբերյալ երկրորդ հանրային լսում:

Վանաշեն բնակավայրում հանրային լսմանը մասնակցում էին «Շրջակա միջավայրի վրա ազդեցության փորձաքննական կենտրոն» ՊՈԱԿ-ի մասնագետը, Վեդի համայնքապետարանի Գյուղատնտեսության և բնապահպանության բաժնի պետ Շամո Բաքոյանը, համայնքապետարանի այլ ներկայացուցիչներ, Վանաշեն բնակավայրի վարչական ղեկավար Սոնա Գևորգյանը, «Արարատ ճանշին» ՍՊԸ տնօրեն Սամվել Վարդանյանը, նախաձեռնողի ներկայացուցիչ՝ Գուրգեն Հակոբյանը, ազդակիր համայնքի և բնակավայրի բնակիչները և այլ մասնակիցներ (մասնակիցների ցանկը կցվում է):

Ողջույնի խոսքով հանդես եկավ «Շրջակա միջավայրի վրա ազդեցության փորձաքննական կենտրոն» ՊՈԱԿ-ի մասնագետ՝ հանրային լսման պատասխանատու Ա. Վարդանյանը, ներկայացրեց փորձաքննական գործընթացի ընթացակարգը, օրենսդրական կարգավորումները, դիտողությունների և առաջարկությունների ներկայացման կարգն ու ժամկետները: Նշեց, որ նախատեսվող գործունեությունը փորձաքննության է ենթարկվում համաձայն «Շրջակա միջավայրի վրա ազդեցության գնահատման և փորձաքննության մասին» օրենքով (այսուհետ՝ Օրենք) սահմանված պահանջներով և Օրենքի 12-րդ հոդվածի 3-րդ մասի 2-րդ կետի «թ» ենթակետի, գործունեությունը համարվում է Ա կատեգորիայի գործունեության տեսակ:

Նշեց նաև, որ ազդակիր համայնք է ճանաչվել Վեդի համայնքը՝ Վանաշեն և Գոռավան բնակավայրերը, քանի որ նախատեսվող գործունեության իրականացման համար հայցվող տարածքը ներառված է նշված բնակավայրերի վարչական տարածքների սահմաններում:

Անդրադարձավ գործունեության իրականացման ընթացքում՝ Վեդի գետի ողողահունային նստվածքներից ավազի և խճի արդյունահանման գործընթացում հնարավոր հիդրոլոգիական և էկոլոգիական ռիսկերին, մասնավորապես՝ ափերի քայքայմանը, գետի ջրի որակական ցուցանիշների վատթարացմանն ու հիդրոլոգիական ռեժիմի փոփոխությանը, վարարումների ժամանակ ջրհեղեղների առաջացման հավանականությանը, ինչպես նաև ջրային և մերձափնյա էկոհամակարգերի կենսաբազմազանության նվազմանը և այլն:

Այնուհետև խոսքը փոխանցվեց նախաձեռնող ընկերության ներկայացուցիչ Գուրգեն Հակոբյանին, ով նշեց, որ տվյալ գործընթացը շարունակվում է արդեն երկու տարի և ընկերությունը հայցվող տարածքի հարավային հատվածում տարիներ առաջ սեփական միջոցներով հաստատել է Վանաշենի ավազակոպճային հանքավայրի տեղամասը:

Նա հավելեց, որ մի քանի տարի առաջ գետի ջրի մակարդակի բարձրացման հետևանքով ավազի փոխարեն տեղում կուտակվել է տիղմ՝ պայմանավորված Վեդի ջրամբարի կառուցման աշխատանքներով և հավելյալ կեղտաջրերի ներհոսքով: Նա նաև պարզաբանեց, որ սկզբնական փուլում նախատեսված էր ուսումնասիրել ամբողջ տարածքը, սակայն Վանաշենի հատվածում առկա սահմանափակումների պատճառով այն փոքրացվել է՝ թողնելով միայն այն հատվածը, որտեղ հնարավոր էր իրականացնել երկրաբանական ուսումնասիրություններ (հորատումներ, լաբորատոր փորձաքննություններ, խրամների անցկացում և այլն): Արդյունքում նախարարի հրամանով հաստատվել է ավազակոպճային հանքավայրի առաջին տեղամասի պաշարների առկայությունը: Ա կատեգորիայի փորձաքննություն անցնելու համար առկա է համայնքի նախնական համաձայնությունը:

Նախատեսվող գործունեությունը ներկայացնելուց հետո ծավալվեց քննարկում հարց-պատասխան ձևաչափով: Հարցերը հիմնականում վերաբերում էին նախատեսվող գործունեության համար հայցվող հողատարածքի նպատակային նշանակությանը, սոցիալական ծրագրերի իրականացմանը, գետի հունից և էկոտոն տարածքում գտնվելու, հայցվող և կից տարածքով անցնող ջրատարների և գազատարի, բարձրավոլտ էլեկտրական ցանցերի առկայությանը, հայցվող տարածքի հարևանությամբ գտնվող անշարժ աղբյուրներին և գումարային ազդեցության հաշվարկների չներկայացման պատճառներին, մոտեցնող ճանապարհներին, հայցվող տարածքում անհրաժեշտ կառույցների տեղադրմանը, թերի լրամշակմանը, հնարավոր ազդեցություններին և ազդեցությունները կանխարգելող կամ մեղմող միջոցառումներին այլն:

Վեդի համայնքապետարանի Գյուղատնտեսության և բնապահպանության բաժնի գլխավոր մասնագետ Սիմոն Կարապետյանը հարց ուղղեց՝ արդյոք նոր հայցվող տեղամասի ափամերձ հատվածը հարակից է Գոռավան բնակավայրին, որտեղ առկա են գյուղնշանակության հողեր և արձանագրվել են փլուզումներ:

Նախաձեռնող ընկերության տնօրենը և ներկայացուցիչը ներկայացրեցին տեղամասի սահմանները և պարզաբանեցին, որ նշված փլուզումները հայցվող հատվածի հետ որևէ առնչություն չունեն:

«Արարատ ճանշին» ՍՊԸ-ի ղեկավար Ս. Վարդանյանը հավելեց, որ ամռան ամիսներին գետում ջրի հոսքը գրեթե բացակայում է, և ընկերության գործունեությունը կազմակերպվում է այն ժամանակահատվածում, երբ ջրի մակարդակը նվազագույն է: Աշխատանքները չեն իրականացվում ջրառատ սեզոնին, այլ իրականացվում են գետի ցածրաջրության՝ գրեթե ցամաքած փուլում:

Վանաշենի բնակիչ և ավազանու անդամ Արայիկ Գևորգյանը հետաքրքրվեց, թե որն է Վանաշեն բնակավայրի շահագրգիռ կողմը, եթե օգտագործվում են բնակավայրի հողերը: Նա նշեց, որ բնակիչների անունից, որպես ավազանու անդամ, պահանջում է գործունեության իրականացման ընթացքում բարեկարգել Վանաշենի մի քանի փողոց: Ասաց, որ վարչական մարմինը կտրամադրի տեխնիկան, իսկ ընկերությունը թող տրամադրի անհրաժեշտ քանակի կոպիճ: Միաժամանակ հայտարարեց, որ որպես բնակիչ և ավազանու անդամ դեմ է գործունեությանը բնակավայրի պահանջը չբավարարելու դեպքում:

Ս. Վարդանյանը պատասխանեց, որ համայնքի հետ առկա է պայմանագիր և նախատեսված են բնապահպանական վճարներ:

Գ. Հակոբյանը նշեց, որ ընդերքօգտագործման իրավունքի տրամադրումը ենթադրում է պայմանագրային պարտավորություններ, այդ թվում՝ համայնքի սոցիալական ծրագրերին աջակցություն և դրանց չկատարումը կարող է հանգեցնել իրավունքի դադարեցման: Նա նաև ընդգծեց, որ հողի նպատակային նշանակության փոփոխությամբ բարձրանում է դրա արժեքը, վարձավճարները մուտքագրվում են համայնքի բյուջե, իսկ բնակիչները ներգրավվում են որպես աշխատակիցներ:

Խոսք խնդրեց Վեդի համայնքապետարանի գյուղատնտեսության և բնապահպանության բաժնի պետ, գյուղատնտեսական գիտությունների թեկնածու Շ. Բաքոյանը: Նա նշեց, որ առաջին հանրային լսումը կայացել է նույն համայնքում և նույն դահլիճում, որտեղ մանրամասն քննարկվել են գյուղացիներին հնարավոր ռիսկերը: Շ. Բաքոյանը տեղեկացրեց, որ կողմերի միջև կնքվել է 6 կետից բաղկացած հուշագիր, և ներկայացրեց ընկերության պարտավորությունները դրա շրջանակում: Նա նշեց, որ հուշագրով նախատեսվել են նաև միջոցառումներ՝ հնարավոր փլուզումները կանխելու և անվտանգությունն ապահովելու նպատակով:

Նա հավելեց, որ Շրջակա միջավայրի նախարարությունից ստացվել է հարցում՝ հայցվող տարածքի՝ պատմության և մշակույթի նշանակության հողերին առնչվելու վերաբերյալ: Առաջին հանրային լսման արդյունքները և ավագանու համապատասխան որոշումը հիմք ընդունելով՝ համայնքապետարանը նախատեսվող գործունեությանը տվել է նախնական համաձայնություն և նույն հիմքերով նախարարության գրությանը ի պատասխան ներկայացրել է դրական դիրքորոշում:

Ա. Վարդանյանը պարզաբանեց, որ նախարարության հարցումը վերաբերել է հայցվող տարածքի և պատմամշակութային հողերի համընկնմանը, հայցվող տարածքում ընդգրկված չորս կադաստրային ծածկագրերով հողամասերից 2,5 հա դասվում է հատուկ պահպանվող՝ պատմության և մշակույթի նշանակության հողերի շարքին:

Ծավալվեց ընդհանուր քննարկում՝ հայցվող տարածքում ներառված հողատեսքերի նպատակային նշանակության, ինչպես նաև Հողային օրենսգրքի 23-րդ և 60-րդ հոդվածներով սահմանված սահմանափակումների շուրջ:

Ս. Կարապետյանը նշեց, որ 2015 թվականին իրականացված ուսումնասիրությունների ընթացքում՝ մոտ 4 մ խորության վրա հայտնաբերվել են կճուճներ, կարասներ և ոսկորներ: Նրա խոսքով՝ այդ գտածոները լուսանկարվել են և ուսումնասիրությունները կատարվել են գետի ողջ երկայնքով՝ ընդգրկելով մեծ տարածք: Նա հավելեց, որ ներկայումս այդ հատվածները ծածկված են ավազով, ինչի արդյունքում մշակութային շերտերը տեսանելի չեն:

Շ. Բաքոյանը առաջարկեց, որպեսզի Շրջակա միջավայրի նախարարությունը դիմի Կրթության, գիտության, մշակույթի և սպորտի նախարարությանը՝ տվյալ հողատեսքի կարգավիճակի փոփոխության խնդրանքով:

Ի պատասխան՝ Ա. Վարդանյանը նշեց, որ շրջակա միջավայրի նախարարությունը նման գործառույթ չունի, և տվյալ հարցը գտնվում է համայնքի իրավասությունների շրջանակում:

Անդրադարձ կատարվեց նաև հնագիտական ուսումնասիրության վերաբերյալ փաստաթղթին՝ նշելով, որ դրանում առկա են մի շարք անճշտություններ և անհամապատասխանություններ:

Քննարկում ծավալվեց նաև գործունեության իրականացման համար հայցվող տարածքը Վեդի գետի և էկոտոնի տարածքի հետ համընկնումների, Վեդի գետից հեռավորությունների, ինչպես նաև ստորերկրյա ջրերի պահպանման գոտում գտնվելու վերաբերյալ հանգամանքների շուրջ՝ արձանագրելով, որ նշված տվյալները ներկայացված փաթեթում հստակ արտացոլված չեն: Բոլոր բարցրացված հարցերի վերաբերյալ նախաձեռնողի ներկայացուցիչ՝ Գուրգեն Հակոբյանը ներկայացրեց ընկերության դիրքորոշումը:

Այնուհետև ժամը 15:00-ին նույն գործունեության վերաբերյալ հանրային լսում իրականացվեց Գոռավան բնակավայրում:

Գոռավան բնակավայրում հանրային լսմանը մասնակցում էին «Շրջակա միջավայրի վրա ազդեցության փորձաքննական կենտրոն» ՊՈԱԿ-ի մասնագետը, Վեդի համայնքապետարանի Գյուղատնտեսության և բնապահպանության բաժնի պետ Շամո Բաքոյանը, համայնքապետարանի այլ ներկայացուցիչներ, Գոռավան բնակավայրի վարչական ղեկավարի ժամանակավոր պաշտոնակատար Մեխակ Խոստեղյանը, «Արարատ ճանշին» ՍՊԸ տնօրեն Սամվել Վարդանյանը, նախաձեռնողի ներկայացուցիչ՝ Գուրգեն Հակոբյանը, ազդակիր համայնքի և բնակավայրի բնակիչները և այլ մասնակիցներ (մասնակիցների ցանկը կցվում է):

Քննարկվող հարցերի շրջանակը գրեթե համընկնում էր Վանաշենի լսման ընթացքում բարձրացված հարցերի հետ: Գոռավան բնակավայրում բարձրացվեց նաև ջրամատակարարման խնդիրը և դրա հնարավոր լուծման հարցը: Նշվեց, որ սուբվենցիոն ծրագրերով տվյալ ուղղությամբ աշխատանքներն արդեն ընթացքի մեջ են:

Ա. Վարդանյանը հարց ուղղեց՝ արդյոք Վեդի գետը կենսական դեր ունի ազդակիր բնակավայրերի համար:

Վեդի համայնքապետարանի գյուղատնտեսության և բնապահպանության բաժնի պետ Շ. Բաքոյանը պատասխանեց, որ գետը տվյալ բնակավայրերի համար կենսական նշանակություն չունի:

Փորձագետը երկու բնակավայրերում նշեց, որ հաշվի առնելով գործունեության իրականացման ռիսկերը, որոնք անմիջականորեն առնչվում են գետի պահպանությանը, նախաձեռնողը պարտավոր է ապահովել Հաշվետվությամբ նախատեսված բնապահպանական միջոցառումների պատշաճ իրականացումը: Նշվեց նաև, որ դրանց անբավարար կամ ոչ լիարժեք կատարման դեպքում կկիրառվեն լրացուցիչ (հավելյալ) միջոցառումներ: Հավելեց նաև, որ համաձայն կառավարության Որոշման՝ շահագրգիռ հանրության գրավոր կամ էլեկտրոնային կարծիքները, դիտողությունները կամ առաջարկությունները՝ առկայության դեպքում պետք է ներկայացվեն ծանուցումից հետո՝ 25 աշխատանքային օրվա ընթացքում փորձաքննական կենտրոն:

Հանրային լսումներում այլ առաջարկներ և դիտողություններ չհնչեցին:

Հանրային լսումները նկարահանվել և ձայնագրվել է:

Հանրային լսումների մասնակիցների ցանկը կցված է արձանագրությանը:

Լսումների վարող, պատասխանատու

«Շրջակա միջավայրի վրա ազդեցության

փորձաքննական կենտրոն» ՊՈԱԿ-ի մասնագետ

«Արարատ- Ճանշին» ՍՊԸ

փոխտնօրեն

Աստղիկ Վարդանյան

Սամվել Վարդանյան



ՀԱՆՐԱՅԻՆ ԼՍՈՒՄ





28 դեկտեմբերի 2023 թվականի N 2343 - Ն Որոշման համաձայն

«ԱՐԱՐԱՏ-ՃԱՆՇԻՆ» ՍՊԸ-ի կողմից Արարարի մարզի Վեդի համայնքի Վանաշենի ավազակոպճային խառնուրդի հանքավայրի 1-ին փափաճարի արդյունահանման աշխատանքների՝ շրջակա միջավայրի վրա ազդեցության գնահատման հաշվետվության և կից փաստաթղթերի վերաբերյալ

17.02.2026թ. /Վեդի համայնք, Վանաշեն բնակավայր

Մասնակիցների ցանկ

Հ/Հ	Անուն, Ազգանուն	Աշխատանքի վայր /բնակության հասցե հեռ. համար	Ստորագրություն
1.	Մանուկյան Գևորգյան	ՀԱՆՐԱՅԻՆ ԼՍՈՒՄ	011 220-2128
2.	Մանուկյան Գևորգյան	ՀՀ-ի Վեդի մարզի	
3.	Մանուկյան Գևորգյան	Վազարապետ 13	
4.	Բաբայան Զատիկյան	Վանաշեն - 39	
5.	Երսեյան Լիլիթ	Վազարապետ - 3	
6.	Մանուկյան Գևորգյան	ՀՀ-ի Վեդի մարզի	
7.	Մանուկյան Գևորգյան	ՀՀ-ի Վեդի մարզի 16	
8.	Մանուկյան Գևորգյան	Վ. Մանուկյան	
9.	Մանուկյան Գևորգյան	ՀՀ-ի Վեդի մարզի	
10.	Մանուկյան Գևորգյան	Վ. Մանուկյան Վանաշեն 16	
11.	Մանուկյան Գևորգյան	ՀՀ-ի Վեդի մարզի	
12.	Մանուկյան Գևորգյան	ՀՀ-ի Վեդի մարզի	
13.	Մանուկյան Գևորգյան	Վ. Մանուկյան Վանաշեն	
14.	Մանուկյան Գևորգյան	Վ. Մանուկյան	
15.	Մանուկյան Գևորգյան	Վ. Մանուկյան Վանաշեն	

16.	Մեկ կիլոգրամ համար	Մարտի 14 թվական . 2	
17.	Բաժնյա ծախս	Վերջին հանձնարարություն	
18.	Հաճախորդների վերաբերյալ	Վերջին հանձնարարություն	
19.	Մեկ կիլոգրամ շաքար	Վերջին հանձնարարություն - 2022/2023 թթ.	
20.			
21.			
22.			
23.			
24.			
25.			
26.			
27.			
28.			
29.			
30.			
31.			
32.			
33.			
34.			
35.			
36.			

ՀԱՆՐԱՅԻՆ ԼՍՈՒՄ

28 դեկտեմբերի 2023 թվականի N 2343 - Ն Որոշման համաձայն

«ԱՐԱՐԱՏ-ՃԱՆՇԻՆ» ՍՊԸ-ի կողմից Արարարի մարզի Վեդի համայնքի Վանաշենի ավազակոպճային խառնուրդի հանքավայրի 1-ին փուլում արդյունահանման աշխատանքների՝ շրջակա միջավայրի վրա ազդեցության գնահատման հաշվետվության և կից փաստաթղթերի վերաբերյալ

17.02.2026թ. /Վեդի համայնք, Գոռավան բնակավայր

Մասնակիցների ցանկ

Հ/Հ	Անուն, Ազգանուն	Աշխատանքի վայր /բնակության հասցե հեռ. համար	Ստորագրություն
1.	Մաքրիկ Ջալալյան	ՏԵԽՆԻԿԻ ՊՈՐՏԱԶ 011-330-20	[Signature]
2.	Արամյան Վերադան	ԵՃԿԵ ՆԵ/Կոմիտաս	[Signature]
3.	Գաբրիել Շահաբյան	ԵՃԿԵ ՆԵ/Կոմիտաս	[Signature]
4.	Նիկոլայ Չաչյան	«Նիկոլայ Չաչյան»-ԲԵ-22/25721 ԳՎ	[Signature]
5.	Մեղակ Վանդուկյան	Կոմիտասի վարչական շենք	[Signature]
6.	Գևորգյան Կարեն	Կոմիտասի վարչական շենք	[Signature]
7.	Անտոնի Մաքրիկյան	Վեդի համայնքի վարչական շենք	[Signature]
8.	Սարգսյան Լևոն	Կոմիտասի վարչական շենք	[Signature]
9.	Նարեկյան Նարեկ	Վեդի համայնքի վարչական շենք	[Signature]
10.	Եսայի Բաբայան	Վեդի համայնքի վարչական շենք	[Signature]
11.	Վահագն Եսայան	Վեդի համայնքի վարչական շենք	[Signature]
12.	Վրթան Գաբրիելյան	Վեդի համայնքի վարչական շենք	[Signature]
13.			
14.			
15.			